



ՎՈԼՂԱՅԱ ՄԱՆԱՅԱՆ

ՀՊՏՀ բնօգտագործման տնտեսագիտության
ամբիոնի ղոցենու, աշխարհագրական
գիտությունների թեկնածու

ԳՅՈՒՂԱՏՆՏԵՍԱԿԱՆ ԱՐՏԱԴՐՈՒԹՅԱՆ ԳՈՏԻԿԱՆ ՄԱՍՆԱԳԻՏԱՑՄԱՆ ՀԱՐՄԱՐՎՈՂԱԿԱՆ-ԼԱՆԳԵԱՖՏԱՅԻՆ ԿԱԶՄԱԿԵՐՊՄԱՆ ՀԱՄԱԿԱՐԳԸ ՀՀ-ՈՒՄ

Հոդվածում հիմնավորվում է գյուղատնտեսական արտադրության գոտիական մասնագիտացման համակարգերի հարմարվողականության անհրաժեշտությունը լանջաֆտային գոտիների ուղղաձիգ հերթափոխության առանձնահատկությունների նկատմամբ: Առաջարկվում է ագրոլանջաֆտի կայունությամ գինը սահմանել որպես ՀՀ տարածքում առանձնացված լանջաֆտային գոտիների սահմաններում գյուղատնտեսական մթերքների արտադրության նաև ագիտացման գործընթացում տնտեսավարողի կատարած ամենայնա ծախսերի և հողային բերդիության ամենայնա վերարտադրության արտադրական ծախսերի բաղադրիչ մասի գումար: Մատնանշվում է հողային վճարների գոտիական տարբերակման անհրաժեշտությունն ըստ լանջաֆտային գոտիների՝ հողերի պետական կաղաստրային գնահատման և ժամանակակից հողային հարաբերությունների առանձնահատկությունների հաշվառմամբ:

Հիմնաբառեր. լանջաֆտային ուղղաձիգ ու գյուղատնտեսական գոտիներ, հարմարվողական լանջաֆտային մոտեցում, տեխնաժնն ներգրծություն, ավանդական ու օրգանական գյուղատնտեսություն, ագրոարտադրական ռեսուրսներ, գոտիական մասնագիտացում

JEL: Q11, Q14, Q15

Գյուղատնտեսական արտադրության նաև ագիտացումը հիմնվում է երեք ռեսուրսային գործուների՝ հողի, աշխատանքի և կապիտալի օգտագործման վրա: Այդ համատեքստում իրականացվող ուսումնասիրությունները թույլ են տալիս որոշել որանցից յուրաքանչյուրի մասնաբաժինը գյուղա-

տնտեսական մթերքների առանձին տեսակների արտադրության մեջ: Գյուղատնտեսական արտադրության մասնագիտացման արոյունքների վրա նշված գործոնների ազդեցության քանակական գնահատման համար կառուցվել են արտադրական գործոնների որակական բնութագրիչները բազմակողմանիորեն հաշվի առնող Քոր-Դուգասի արտադրական ֆունկցիայի մաթեմատիկական մոդելները¹: Տարբեր մոդելներում գյուղատնտեսական մթերքների արտադրության ծավալների ծևավորման մեջ հողային գործոնի ներդրումը տարափոխվել է 11–24%-ի, աշխատանքի և կապիտալի մասնաբաժինը տատանվել է 36–48%-ի սահմաններում:

Տնտեսության ագրարային հատվածում մասնագիտացման գործընթացի վրա ազդեցություն ունեցող առավել կարևոր գործոն են աշխատանքը, տնտեսավարման ազգային ավանդույթներն ու որոշակի հմտությունները, ինչպես նաև մասնագիտական ունակությունները: ՀՀ գյուղատնտեսական արտադրության ծևավորված ճյուղային կառուցվածքը, դրա գոտիական մասնագիտացման հարմարվողական-լանդշաֆտային համակարգի մշակումը հիմնականում պայմանավորել են հանրապետության գյուղական տարաբնակեցման զարգացման ուղղվածությունն ու բնույթը: Սակայն գոյություն ունեն խնդիրներ՝ կապված գյուղական տարածքներում աշխատուժի անբավարար քանակի, գյուղական բնակավայրերի դաշտարկվելու, տարածուն ավանդական գյուղատնտեսության զարգացման ցածր մակարդակի և բնառեսուրսային ներուժի արդյունավետ օգտագործման հետ:

Գյուղատնտեսական արտադրության գոտիական մասնագիտացման հիմնախնդիրների քննարկման ժամանակ հարկ է նկատի ունենալ ինչպես ագրարային, այնպես էլ ոչ գյուղատնտեսական ոլորտների եկամուտ և ավելացված արժեք ստեղծող գործունեության տեսակների բազմագույն շերտը: Այդ դեպքում, գյուղական բնակչության ծերացման և արտագաղթի հետ կապված, արգելք ստեղծող գործոն է պահանջվող որակավորմանը աշխատող կաղրերով և մասնագետներով ապահովվածության պակասը²:

Այսօր, համաձայն ՀՀ գյուղախնարարության կողմից իրականացվող կադրային ապահովվածության մշտադիտարկման տվյալների, ՀՀ լեռնային գոտին և սահմանամերձ տարածաշրջանները, գյուղական բնակչության ինտենսիվ կրծատման և դեպոպուլացիայի հետ կապված, տնտեսավարման բոլոր ձևերում գյուղատնտեսական կաղրերի պակաս են զգում (մասնագետների՝ 3,2–15,2%, իսկ աշխատող կաղրերի՝ 2,4–18%):

Գյուղական տնտեսության բազմազանեցումը նոր աշխատատեղերի ստեղծում ու գրադարձության մակարդակի բարձրացում է ապահովում գյուղական բնակչության համար, արժեքավոր սոցիալական պայմաններ ու անտական աջակցություն է երաշխավորում: Ընդ որում, պահանջվում է հիմնախնդիրների համընթաց լուծում:

¹ Տես Զամկով Օ., Տոլстопյատենկ Ա., Չերեմնիք Յ., Математические методы в экономике. М., МГУ, "ДИС", 1997, էջ 171–173:

² Ղատարկ գյուղական բնակավայրերի մեջ բանակության պատճառով (գրեթե 270) օգտագործման ենթակա մոտ 300 հազ. հա գյուղատնտեսական հողատեսքեր Հայկական ԽՍՀ-ում դուրս էին մնացել ցանքաշրջանառությունից: Հանրապետության սակավահողության պայմաններում գյուղական բնակավայրերի վերացումը աննպատճակահարձար է և ոչ մի դեպքում չի կարող արդարացվել: Որքան ավելի խիստ է բնակավայրերի ցանքը, այնքան ավելի բարձր է հողերի օգտագործման արդյունավետության աստիճանը՝ հատկանել լեռնային տարածաշրջաններում: (Տես Ավակյան Ռ., Լուծում և լուծում: Մ., "Мысли", 1989, էջ 92–93):

Բազմազանեցման հիմնախնդրի տեսական խոր վերլուծություն է կատարվել Պ. Ղրուկերի կողմից, որի տեսակետը մասնագիտացման և բազմազանեցման միջև, ամենայն հավանականությամբ, գործարարության ծավալները, հեռանկարները և տնտեսավարման բոլոր ձևերի արդյունավետությունը որոշող տնտեսության ռեսուրսների օգտագործման հաշվեկշիռն է: Վերջինս փոխվում է շուկայի և ամբողջ տնտեսության մեջ ներձյուղային կառուցվածքի փոփոխությունների հետ մեկտեղ: Այսպես՝ Պ. Ղրուկերի կարծիքով. «....ընկերությունը բազմազանեցված է լինելու ապրանքների, շուկաների և վերջնական սպառողների առումներով, բարձր աստիճանի կենտրոնացման է ենթարկվելու մտավոր գիտելիքների սեփական հենակետային բնագավառում և խիստ համակենտրոնացված է լինելու սեփական ապրանքների, շուկաների ու վերջնական սպառողների ոլորտներում»³:

Միաժամանակ, տեխնածին ներգործության հետևանքով հողերի բերրիության անկմանը զուգահեռ աճում է հողային գործոնի կարևորությունը, ուստի ավանդական բուսաբուծության ձյուղում կարևոր է մշակել և իրականացնել օրգանական ու հանքային պարարտանյութերի լավագույն չափաբանակներով սնուցումը, մշակաբույսերի, պտուղների ու խաղողի պաշտպանության քիմիական միջոցների ու հողապաշտպան տեխնոլոգիաների կիրառումը, հողերի բերրիության ապահովման ու դրա մակարդակի բարձրացման գիտականորեն հիմնավորված համակարգը ներառող միջոցառումները և այլն: Անասնաբուծության ձյուղում ավանդական արտադրական համակարգն ընդգրկում է, նախևառաջ, սահմանափակ կերահանդակների վրա գյուղատնտեսական կենդանիների պահպանը ու մեծաքանակ կերակրնան պայմաններին, անառաջին արոտավայրերի ջրարդիացման տնտեսական արդյունավետության բարձրացմանը, գենոտիպի և վերարտադրության կանոնավոր կազմակերպմանն ու տոհմասելեկցիոն աշխատանքներին առնչվող խնդիրների լուծումը:

Ոչ պակաս կարևոր հանգամանք է, որ տնտեսավարման ավանդական ձևերում օգտագործվում են տեղական կարնամսատու կովկասյան գորշ ցեղի տավարը, հայկական կիսակոպտաբուրդ ցեղի ոչխարը, դեղին (լեռնային) մեղվատեսակը, որոնք լիովին հարմարեցված են ալյայան լանդշաֆտների արածովի և մեղրատու բուսականության արոտային կերպին, և դրանց դիմակայությունն ու պակաս պահանջվությունը շուկայական տնտեսավարման ներկա փոլում համեմատական առավելություններ ունեցող անասնաբուծական մեթոդների արտադրության մեջ գոտիական մասնագիտացման առավել նախընտրելի հատկանիշներ են:

Ազրարային հատվածի զարգացման խորհրդային փուլի վերջին շրջանում կարծիք էր ձևավորվել, որ հողային ռեսուրսների տնտեսապես արդյունավետ օգտագործման և գյուղատնտեսական արտադրության ռացիոնալ տեղաբաշխման ու մասնագիտացման խորացման հիմնախնդիրները պատշաճ նակարդակով կարող են լուծվել բնատարածքային համալիրների լանդշաֆտակուլգիական տարատեսակության հաշվառմամբ⁴: Սակայն ՀՀ-ում, շուկայական վերակառուցման և հողային բարեկոխումների անցկացման հետ կապված, գյուղատնտեսական արտադրության ռացիոնալ տեղաբաշխ-

³ Стю Друкер П., Менеджерская организация, М., “Кадры”, 1993 №8, էջ 27–28:

⁴ Стю Агрэкологическая оценка земель, проектирование адаптивно-ландшафтных систем землепользования и агротехнологий /Под ред. В. Кирюшина/. М., “Росинформагротех”, 2005, էջ 12–16:

ման և գոտիական մասնագիտացման մեջ այդ ուղղությունը մատնվել է անուշադրության: Հիմնական խնդիրներ են համարվում հանրային տնտեսությունների վերակազմավորումը, հողերի վերաբաժանումը, հողային սեփականության ձևակերպումը և պետական գրանցումը: Ագրարային հատվածի զարգացման այժմյան փուլում ակնհայտ է, որ սեփականության ցանկացած տեսակի պայմաններում անհնար է ստեղծել տնտեսապես արդյունավետ ագրարային տնտեսավարման ձևեր՝ միաժամանակ չզբաղվելով դրանց մասնագիտացման արտադրական ուղղությունների ձևավորման, ավանդական ու օրգանական գյուղատնտեսության համեմատական գնահատման, հողերի բերդիության աստիճանի բարձրացման և հողային ռեսուրսների վերարտադրության հարցերով:

Հետքարեկոյսումային շրջանում ուշադրության արժանացան հողի բերդիության ցուցանիշների անկումը, հումուսի կորուստը և դրա շերտի ու մշակաբույսերի, պտուղների ու խաղողի սննման կարևորագույն տարրերի, ինչպես նաև լեռնային սևահողերի հերկվածության կրծատումը: Մասնագետները հատկապես կարևորում են լեռնային սևահողերի բերդիության մակարդակի բարձրացման խնդիր լուծումը (հանրապետության հողային ծածկի գրեթե 26%-ը), որոնք որոգելի մարզագետնային հողերից հետո առավել յուրացված տեսակն են ու արդյունավետ օգտագործվում են տնտեսության ագրարային հատվածում: Միավոր տնտեսական արդյունքի հաշվով, այդ հողերի վրա կարելի է աճեցնել սահմանափակ քանակությամբ ագրոարտադրական ռեսուրսներ օգտագործող և շրջակա միջավայրի վրա նվազագույն տեխնածին ազդեցությամբ, միջազգային չափորոշչներին համապատասխանող, էկոլոգիապես մաքուր գյուղատնտեսական մթերքներ: Դա ոչ միայն կարող է մեծացնել հանրապետության արտահանության ներուժը, այլև կնպաստի ազգաբնակչության առողջության ու ընդայնված վերարտադրության ապահովմանը, հանրապետության պարենային անվտանգության անրապնդմանը: Այդ հանգամանքը կարևոր նշանակություն ունի ավանդական և օրգանական երկրագործության համեմատական գնահատման համար: Բանն այն է, որ համապատասխան գործիքակազմերը կարող են հաշվարկել ինչպես միավոր հողատարածությունը (1 հա), այնպես էլ միավոր արտադրանքը (1 տ): Ընդհանուր առմանը, էկոլոգիական բուսաբուծության դեպքում 1 հա հողատեսքի վրա վնասակար ազդեցությունը ավելի քիչ է, քան ավանդականի դեպքում: Սակայն եթե քննարկենք գյուղատնտեսական մթերքների միավոր արտադրության վրա ազդեցությունը, ապա ստացվու արդյունքները շատ հաճախ կարող են նույնաքանակ լինել կամ նույնիսկ ավելի մեծ, քան ավանդականի պարագայում է: Դա պայմանավորված է նրանով, որ օրգանական գյուղատնտեսության դեպքում բերքատվությունը, որպես կանոն, ավելի ցածր է, և, այդ պատճառով, ծավալներով համեմատելի արտադրության համար պահանջվում են մեծ հողատարածություններ: Տվյալ հանգամանքը, իր հերթին, առաջացնում է գյուղատնտեսական հողատեսքներից տնտեսական շրջանառության մեջ լրացնության հողատարածություններ ներգրավելու անհրաժեշտություն, որը պայմանավորում է ջերմոցային գագերի՝ ազոտի ենթօքսիդի (N_2O) արտանետումների ավելացումը և բնառեսուրսային ներուժի կրծատումը: Համանման եզրակացություններ կարելի է անել նաև անասնաբուծության ճյուղի վերաբերյալ: Որքան հայտնի է, էկոլոգիական համակարգի դեպքում գյուղատնտեսական կենդանիները դանդաղ են ավելացնում կենդանի քաշաճը և ոչ մսուրային կերակրման կարիք են զգում, որը լրացնության կերահանուակներ և

Ենթակառուցվածքներ է պահանջում. դա լրացուցիչ ծախսերի առաջացման և պատրաստի արտադրանքի թանկացման պատճառ է դաշնում:


Հողի նկատմամբ մասնավոր սեփականության և հողօգտագործման խնդիրների լուծման վերաբերյալ գիտականորեն հիմնավորված քաղաքականության բացակայությունը գյուղատնտեսական արտադրության ռացիոնալ տեղաբաշխման և մասնագիտացման խորացման նպատակով գիտության նվազումները անբավարար օգտագործելու հիմնական պատճառներից մեկն է: Մենք համակարգիք ենք Վ.Կիրյուշինի հետ այն հարցում, որ ժամանակակից ագրարային գիտությունը (հասկապես ագրարային տնտեսագիտությունը. շեշտադրում՝ Վ.Ս.) հիմնականում պետք է կողմնորոշված լինի որոշակի հողանատերի սեփականատերների և օգտագործողների հիմնախնդիրների լուծմանը⁵: Դա, գուցե, իրականացվում է տվյալ լանդշաֆտային ուղղաձիգ գոտու ագրոէկոլոգիական առանձնահատկությունները հաշվի առնող համապատասխան պետական տարածքային կառավարման ու տեղական ինքնակառավարման լիազոր մարմինների կողմից գյուղատնտեսական արտադրության գոտիական մասնագիտացման լանդշաֆտային հարմարվողական համակարգի կիրարկության դեպքում: Այդ համակարգը կառուցվում է բնական միջավայրի որոշակի պայմանների նկատմամբ մարդու տնտեսական գործունեության առավելագույն հարմարեցման և բնական ու մարդածին ողջ բազմազնության հաշվառմամբ՝ դրանց արդյունավետ օգտագործման հիման վրա:

Ըստ լանդշաֆտային ուղղաձիգ գոտիների հերթափոխության պայմանների՝ << ագրարային հատվածի տարածքային (գոտիական) մասնագիտացման տարբերակումը հարկավոր է բխեցնել գյուղատնտեսական արտադրության ինտենսիվացման տարբեր մակարդակներում ավանդական ու օրգանական համակարգերի համեմատական գնահատման և տնտեսավարման տարբեր ծևերին դրանց հարմարեցման միջոցով: Բացի դրանից, գյուղատնտեսական արտադրության գոտիական մասնագիտացման հարմարվողական-լանդշաֆտային համակարգի ներդրման դեպքում հասանելի է հողային բերրիության և հողածածկի վերականգնման լավագույն ռեժիմ ապահովող կենսազանգվածի հավասարակշռված հաշվեկշիռը: Դա արտադրական համակարգ է, որը լավ վիճակում է պահպանում հողերը, էկոհամակարգերը և անվտանգ պայմաններ է պապահովում բնակչության առողջության և ընդլայնված վերարտադրության համար: Դա ուղղված է տեղական պայմաններին բնորոշ էկոլոգիական գործընթացմաների, կենսարազմազանության և բնական պարբերաշրջանների, այլ ոչ թե երկրորդային ներգործության արդյունքի կիրառմանը: Շրջակա միջավայրի վիճակը բարելավելու համար օգտագործում են տնտեսավարման ազգային ավանդույթները, մասնագիտական ունակություններն ու հմտությունները, առավել նպատակային են դարձնում նորաստեղծության ու զարգացման գործընթացները և գիտական մոտեցումները, ձևավորում են արդար փոխհարաբերություններ բոլոր շահագրգիր կողմերի համար, ապահովում է արժանապատիվ կենսամակարդակ⁶:

⁵ Տե՛ս Агроэкологическая оценка земель, проектирование адаптивно-ландшафтных систем земледелия и агротехнологий, նշվ. հրատ., էջ 172–174:

⁶ Գյուղատնտեսական արտադրության մասնագիտացման կիրարկմամբ նորաստեղծության և զարգացման գործընթացը գիտական մշակումների հիման վրա նոր տեխնոլոգիաներում որոշակի տեխնիկական գաղափարների մշտական ու անընդհատ հոսք և էկոլոգիական մաքուր ու համեմատական առավելություններ ունեցող ապրանքատնտեսակմների արտադրությունը

Գյուղատնտեսական արտադրության գոտիական մասնագիտացման հարմարվողական-լանդշաֆտային կազմակերպման գլխավոր խնդիրն է հիմնավորել հողերի ագրոէկոլոգիական խմբավորման սկզբունքների, ագրոարտադրական ռեսուրսային ու ագրոէկոլոգիական ներուժի, շուկայի մրցունակության առկայության հիմնավորումը՝ հանրապետության ժամանակակից ագրարային հատվածի բազմակացութածնության հաշվառմամբ ստեղծելով գյուղատնտեսական արտադրության և ագրոտեխնոլոգիայի գոտիական մասնագիտացման հարմարվողական-լանդշաֆտային համակարգերի նախագծման հիմք:



Գծապատկեր 1. Գյուղատնտեսական արտադրության մասնագիտացված գոտիների ձևավորման հարմարվողական-լանդշաֆտային համակարգի նախագծման մոդելի կառուցվածքը

Ագրարային հատվածի զարգացման խորհրդային փուլում՝ հատկապես 1970–80-ական թվականներին, Հայաստանում մեծ ուշադրություն էր դարձվում բնական լանդշաֆտային գոտիների առանձնացման, ագրոլանդշաֆտների ձևավորման, հողատարածքի հակաէրոզիոն միջոցառումների կազմակերպման հարցերին: Սակայն անբավարար ֆինանսավորման պատճառով չեն ավարտվել այդ աշխատանքները: Այժմ պահանջվում է ճշգրտել ագրոլանդշաֆտների սահմանները և դրանց յուրաքանչյուր տիպի համար մարդածին ծանրաբեռնվածության գիտականորեն հիմնավորված չափորոշիչներ մշակել: Գյուղատնտեսական մշակաբույսերի ցանքաշրջանառությունը,

պտուղների ու խաղողի աճեցումը, գյուղատնտեսական կենդանիների բազմացումը և ագրոտեխնոլոգիան հարմարեցված չեն լանդշաֆտային ուղղաձիգ գոտիների հերթագայլան առանձնահատկություններին, գոյություն չունի երկրագործության և անասնաբուծության գոտիական մասնագիտացման հարմարվողական համակարգերի արդյունավետության գնահատման միասնական մեթոդիկա:

ՀՀ տարածքի գյուղատնտեսական արտադրության մասնագիտացված գոտիների ծևավորման հարմարվողական-լանդշաֆտային կազմակերպման համակարգի մոդելը փորձել ենք ցույց տալ (գծապատկեր 1) ագրոարտադրական ռեսուրսային ներուժի գնահատման հիման վրա (քնակլիմայական պայմաններ, հողային ռեսուրսներ, հողի վատրարացման աստիճան, լանդշաֆտային ուղղաձիգ գոտիների դասակարգման համար ցուցանիշների ու չափանիշների ամբողջական վերլուծություն և այլն):

Մեր կարծիքով՝ հարմարվողական գոտիական տեխնոլոգիաները պետք է հաշվի առնեն յուրաքանչյուր ագրոլանդշաֆտի առանձնահատկությունները և գյուղմթերքների արտադրության նախընտրելի մասնագիտացման ու հակառակության որոշակի ուղղվածություն ունենան: Դրա համար անհրաժեշտ է լուծել հետևյալ խնդիրները.

- Սահմանել լանդշաֆտային ուղղաձիգ գոտիների և ագրոլանդշաֆտների գնահատականն ըստ գյուղատնտեսական արտադրության գոտիական մասնագիտացման, բացահայտել հողերի վատրարացման պատճառները և որոշել դրանց ազդեցությունը գյուղատնտեսական արտադրության գոտիական մասնագիտացման հարմարվողական – լանդշաֆտային – համակարգի վրա:
- Լանդշաֆտային ուղղաձիգ գոտիներում իրականացնել հողերի ագրոէկոլոգիական գնահատում և տիպականացում, ըստ այդմ կատարել հանրապետության ագրարային հատվածի մասնագիտացման արտադրական ուղղությունների գոտիական տարրերակում, դրանց միատեսակ խնդերի առանձնացում՝ ըստ ագրոտեխնիկական գործընթացների բնույթի և արդյունավետության, սահմանել հողերի տիպերն ըստ դրանց օգտագործման ինտենսիվության և նախընտրելի մասնագիտացման արտադրական ուղղության:
- Սահմանել գյուղատնտեսական հողատեսքերի լավագույն հարաբերակցություն՝ լանդշաֆտային ուղղաձիգ և գյուղատնտեսական գոտիների մասնագիտացման արտադրական ուղղություններին համապատասխան:
- Ապահովել ժամանակի և տարածության մեջ գյուղատնտեսական մշակաբույսերի հերթագայումը: Ցանքաշրջանառության տեխնոլոգիաների յուրացումը, հողերի որակի հաշվառմամբ վարելահողերի կամ առանձին հողամասերի վրա մշակաբույսերի տեղաբաշխումը և հերթագայությունը կնպաստի դրանց բերքատվության աճին:
- Հիմնավորել գյուղատնտեսական արտադրության գոտիական մասնագիտացման համակարգի տարրերի հարմարվողական-լանդշաֆտայնությունը:
- Կազմակերպել գյուղատնտեսական հողատեսքեր և ցանքաշրջանառություն, հողերի փոխակերպություն, առաջարկել միջոցառումներ ագրոլանդշաֆտներում էկոտոնների (ֆիզիկապես տարբերվող համա-

Կեցությունների միջև անցողիկ շերտերի, օրինակ՝ անտառաշերտերի) ստեղծման և ռացիոնալ տարածքային տեղաբաշխման վերաբերյալ:

- Ըստ լանդշաֆտային ուղղաձիգ գոտիների՝ հիմնավորել գյուղատնտեսական արտադրության գոտիական մասնագիտացման տարբերակված համակարգի արդյունավետությունը, կազմակերպել գոտիական մասնագիտացված տարածքը՝ տարբեր չափերի ու գործածելի հողամասերի, պաշտպանական անտառատնկարկների, ճանապարհների և սերվիսուտների հիմնավորմամբ:
- Ագրոլանդշաֆտների առանձնահատկությունների հաշվառմամբ մշակել հարմարվողական ագրոտեխնոլոգիաներ (ինտենսիվ, խոնավություն պահող, էներգիա տնտեսող, էկոլոգիապես անվտանգ և այլն):
- Լանդշաֆտային ուղղաձիգ գոտիների առանձնահատկությունների համապատասխանությամբ լուծել գլխավոր (հիմնական), լրացուցիչ ու օժանդակ ենթաճյուղերի մասնագիտացման և գյուղատնտեսական մշակաբույսերի, պտուղների ու խաղողի բերքի և անասնաբուծական մթերքների ծրագրավորման խնդիրը:
- Մշակել բնական կերահանդակների արմատական և մակերևութային բարելավման նախագծեր անասնաբուծության ներձյուղային մասնագիտացման խորացման նպատակով, ստեղծել խմելու ջրի կետեր, արածեցման նպատակով կանոնակարգել անտառների օգտագործումը (հատկապես խոզաբուծության ենթաճյուղում): Կենդանիների անառաջին պահկածքի ժամանակ կերիանդակները ավելի շատ օգտագործվում են կարճաժամկետ տնտեսական շահի, քան երկարաժամկետ բնապահպանական օգուտների նկատառումներով:
- Կատարել գյուղատնտեսության արտադրության գոտիական մասնագիտացման հարմարվողական-լանդշաֆտային մշակված համակարգերի էկոլոգատնտեսական գնահատում:

Ասրծում ենք՝ հիմնվելով Վ. Կիրյուշինի կողմից մշակված մեթոդաբանության վրա, ագրոլանդշաֆտի կայունության գինը (**Գ_Խ**) կարող է որոշվել ՀՀ տարածքում առանձնացված լանդշաֆտային ուղղաձիգ գոտիների սահմաններում՝ որպես գյուղմթերքների արտադրության մասնագիտացման գործընթացում (**Գ_Ա**) տնտեսավարողի ամենամյա ծախսերի և հողերի բերդիության՝ առաջին հերթին հումուսի վերարտադրությունն (**Գ_{ՀԲ}**) ապահովող արտադրական ծախսերի մի մասի գումար՝ արտահայտված դրամներով.

$$\text{Գ}_{\text{Խ}} = \text{Գ}_{\text{Ա}} + \text{Գ}_{\text{ՀԲ}}$$

Այդ գինը կարող է ներառվել գյուղատնտեսական ապրանքարտադրողների արտադրական ծախսերի մեջ, հետևաբար՝ գյուղատնտեսական մթերքների իրացման շուկայական գնի մեջ:

Ագրոլանդշաֆտի կայունության գները որոշելու՝ առաջարկվող մեթոդաբանությամբ պետք է տարբերակել պետության և հողի սեփականատիրոջ ծախսերը: Միջոցառումները կարող են կազմակերպվել լանդշաֆտային ուղղաձիգ գոտիներին վերաբերող գնային մեխանիզմների պետական կարգավորման քաղաքականությանը համապատասխան: Վերջինս ներկայացնում է պետության գործունեությունը, որն ուղղված է գների կայունացմանը, հաստատագրված գների սահմանմանը, հարկերի, ապահովագրության, վարկերի և այլնի միջոցով գների վրա անուղղակի ազդեցության օգտագործմանը: Հոգերի բերդիության ամենամյա վերարտադրության ծախսերը կարելի է որոշել

ՀՀ լանդշաֆտային ուղղաձիգ գոտիներին հարմարեցված զյուղատնտեսական մշակաբույսերի, պտուղների ու խաղողի աճեցման և զյուղատնտեսական կենդանիների բազմացման գիտականորեն հիմնավորված տեխնոլոգիաների հիման վրա: Դրա համար կարելի է օգտագործել բերքի և անասնաբուծական մթերքների ծրագրավորման հայտնի տնտեսամաթեմատիկական նորեները:

Հեռանկարում պատշաճ զարգացում են ստանալու զյուղատնտեսական արտադրության գոտիական մասնագիտացման հարմարվողական-լանդշաֆտային կազմակերպման նախապատրաստության հետևյալ փոխկապված ուղղությունները. ՀՀ տարածքի զյուղատնտեսական արտադրության գոտիական մասնագիտացման ճշգրտումը և մանրամասնումը, էկոլոգիապես մաքուր զյուղատնտեսական մթերքների արտադրության գործում մասնագիտացման խորացումը, հողերի պահպանությունն ու բերրիության ավելացումը, զյուղատնտեսական արտադրության գոտիական մասնագիտացման դեպքում ագրոլանդշաֆտների վրա էկոլոգիապես հիմնավորված ու տնտեսապես արդյունավետ հարմարվողական համակարգերն ապահովող տեխնածին ծանրաբեռնվածության չափորոշիչների մշակումը, զյուղատնտեսական արտադրության գոտիական մասնագիտացման արդյունավետության բարձրացումը էկոլոգիայի և շրջակա միջավայրի պահպանության պահանջների հաշվառմամբ:

Սույն հայեցակարգում ընդիանուր մոտեցումներ են մշակվել զյուղատնտեսական արտադրության գոտիական մասնագիտացման հարմարվողական-լանդշաֆտային համակարգի ձևավորման նկատմամբ: Համապատասխան նախապատրաստական աշխատանքներն անհրաժեշտ է իրագործել սեփականության տարբեր ձևերի ու հողամասերի չափերի, տնտեսավարման բոլոր ձևերի մասնագիտացման արտադրական ուղղությունների առանձնահատկությունների հաշվառմամբ: Գյուղատնտեսական արտադրության գոտիական մասնագիտացման հարմարվողական-լանդշաֆտային կազմակերպման դեպքում պետք է օգտագործել հողաշինարարության, հողերի ներհամայնքային ու պետական կադաստրային գնահատման, հողային, երկրաբուսաբանական, ագրոքիմիական, ինչպես նաև հետազոտությունների ու բացահայտումների այլ տեսակների նյութերը:

ՀՀ տարածքում զյուղատնտեսական արտադրության գոտիական մասնագիտացման հարմարվողական-լանդշաֆտային կազմակերպման համակարգի վերևում շարադրված դրույթների փուլային իրականացումը հնարավոր է ինչպես մարզային և տարածաշրջանային (լանդշաֆտային ուղղաձիգ ու զյուղատնտեսական գոտիների և ագրոլանդշաֆտների սահմաններում), այնպես էլ որոշակի լանդշաֆտային տեղամասում գտնվող առանձին ագրոֆիրմաների և ագրոհողունգային տիպի խոշոր խմբակային միավորումների մակարդակով: Ինչ վերաբերում է առանձին հողաբաժիններով մանրապրանքային զյուղացիական տնտեսություններին ու տնտեսավարման մյուս փոքր ձևերին, ապա դրանց տրամադրված հողամասերում հարկ է իրականացնել մեծ ծավալի ագրոլանդշաֆտների տարածքի կազմակերպում՝ մշակված նախագծերի հիման վրա: Հողերի պետական կադաստրային գնահատականը, հողային հարկը և հողային ուրիշ վճարները նույնպես տարբերակվելու են լանդշաֆտային ուղղաձիգ գոտիներին համապատասխան:

Գյուղատնտեսական հողատեսքերի պետական կադաստրային գնահատման նոր մեթոդաբանությանը հաճապատասխան՝ բերդիության վերականգնման ծախսերը պետք չեն ներառել հողային ռենտայի մեջ և հարկման ենթարկել:

ՀՀ լանդշաֆտային ուղղաձիգ ու գյուղատնտեսական գոտիների սահմաններում մասշտաբային հակաէրոզիոն միջոցառումների իրականացումը հնարավոր է պետության ակտիվ ֆինանսական աջակցության դեպքում: Հետախուզական և նախագծային աշխատանքների ֆինանսավորման աղբյուրներ կարող են դառնալ հողային հարկի մի մասը և պետական (հաճայնքային) բյուջեի միջոցները:

Օգտագործված գրականություն

1. Замков О., Толстопятенко А., Черемных Ю., Математические методы в экономике. М., МГУ, изд. "ДИС", 1997.
2. Авакян Г., Люди и горы. М., "Мысль", 1989.
3. Друкер П., Менеджерская организация, М., "Кадры", 1993, N8.
4. Агроэкологическая оценка земель, проектирование адаптивно-ландшафтных систем земледелия и агротехнологий /Под ред. В. Кирюшина/. М., "Росинформагротех", 2005.
5. Аграрная экономика: термины и понятия. Энцикл. справ., Гусаков В., Дреза Е., Минск, "Беларусь наука", 2008.

ВОЛОДЯ МАНАСЯН

Доцент кафедры Природопользования АГЭУ,
кандидат географических наук

Система адаптивно-ландшафтной организации поясной специализации сельскохозяйственного производства РА. – В статье изучены комплексные вопросы адаптации поясной специализации аграрного сектора к особенностям высотных ландшафтов РА. Предлагается алгоритм определения цены устойчивости агроландшафтов на основе суммы ежегодных затрат на противоэрозионную организацию территории и части производственных затрат на воспроизводство почвенного плодородия. Актуализирована необходимость дифференциации государственной кадастровой оценки земель и земельных платежей по высотным поясным ландшафтам.

Ключевые слова: кадастровая стоимость, традиционное и органическое сельское хозяйство, агрозэкологическая система, поясная специализация, адаптивно-ландшафтное устройство территории.

JEL: Q11, Q14, Q15

VOLODYA MANASYAN

Associate Professor at the Chair of Environmental Economics
at ASUE, PhD in Geographical Sciences

The System of Adaptive-landscape Organization of Zonal Specialization in Agricultural Production in the RA. – Complex issues of adaptation of zonal specialization of agrarian sector and peculiarities of high-altitude landscapes have been considered in this article. The algorithm for determining the agro-landscape sustainability price on the basis of yearly costs on anti-erosion adjustment of territory and parts of production costs for soil fertility reproduction is suggested. The necessity of differentiation of state cadastral land assessment and land payments of high-altitude zonal landscapes adjusted for peculiarities of land market relations has been updated.

Key Words: *cadastral price, traditional and organic agriculture, agro-ecological system, zonal specialization, adaptive-landscape territory adjustment.*

JEL: Q11, Q14, Q15